

Pranuar / Dorezuar Prilježen / Prodato Received / Delivered	07. 12	2021	1	viti god year
Organ / Njesia Organ / Jedinica Org / Unit	Nr Prot Br Prot Prot No	Shtojta Prilog Appendix	Sasia Kolicina Quantity	
SHKURTAR	5555/21		7/3	



Republika e Kosovës  
 Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
 NEZAVISNI NADZORNI ODBOR CIVILNE SLUŽBE KOSOVA  
 INDEPENDENT OVERSIGHT BOARD FOR THE CIVIL SERVICE OF KOSOVA

A.nr.934/2021

Këshilli i Pavarur Mbikëqyrës për Shërbimin Civil të Kosovës–Kolegji për shqyrtimin dhe vendosjen e ankesave i përbërë nga: Eshref Shabani-Kryetar, Malsore Gashi-Bajraktari dhe Arben Mehmeti– anëtarë, Avdyl Bekteshi-Zyrtar i Lartë për Bashkëpunim Profesional, në cilësinë e procesmbajtësit, kanë shqyrtuar ankesën me numër A.nr.934/2021 të datës 16.11.2021 të parashtruar nga ankuesi të cilin me autorizim e përfaqëson me adresë, “Luan Haradinaj”, Nr. 1/2 në Prishtinë, kundër organit të punësimit/Komuna e Gjilanit, në çështjen juridike “kompensim material”, duke vepruar në pajtim me nenin 6 paragrafin 1.1 nën paragrafin 1.1, nenin 16 dhe nenin 18 paragrafin 1 nën paragrafin 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregullores Nr. 02/2018 për Rregullat dhe Procedurat e Ankesave në Këshillin e Pavarur Mbikëqyrës për Shërbimin Civil të Kosovës /në seancën për këshillim dhe votim me datë 06.12.2021, mori këtë:

V E N D I M

Këshilli i Pavarur Mbikëqyrës për Shërbimin Civil të Kosovës, **shpallet jo kompetent** për të vendosur lidhur me ankesën A.nr.934/2021 të datës 16.11.2021 të parashtruar nga ankuesi

A r s y e t i m

Ankuesi i punësuar në pozitën “Bibliotekist” në Shkollën Fillorë “Musa Zajmi” pranë Komunës së Gjilanit, më datë 26.07.2021 ka parashtruar kërkesë tek Drejtoria e Arsimit e Komunës së Gjilanit për kompensimin e shpenzimeve të ushqimit sipas Kontratës Kolektive të Arsimit.. Meqenëse në bazë të provave të lëndës ankuesi nuk ka marr përgjigje lidhur me kërkesën e ankuesit, ankuesit përmes postës më datë 12.11.2021 ka parashtruar ankesë për Këshillin e Pavarur Mbikëqyrës për Shërbimin Civil të Kosovës, e cila më datë 16.11.2021 është pranuar në Këshillin e Pavarur Mbikëqyrës për Shërbimin Civil të Kosovës, dhe është regjistruar me numër të ankesë A.nr.934/2021 dhe Nr. Prot:5467/2021.



**Kolegji për Shqyrtimin dhe Vendosjen e Ankesave, administroj këto prova:** Ankesën A.nr.934/2021 të datës 16.11.2021 me numër të protokollit 5467/2021 e parashtruar nga ankuesi për Këshillin e Pavarur Mbikëqyrës për Shërbimin Civil të Kosovës; Autorizimin e datës 21.06.201; Vërtetimin Nr. 963/2021 të datës 17.06.2021; Listën e pagave e muajit prill 2021; Vërtetimin Nr. 964/2021 të datës 17.06.2021; Formularin për kërkesë apo ankesë i datës 26.07.2021; Kërkesën për kompensim të shpenzimeve të ushqimit e datës 26.07.2021 nga ankuesi; Zarfën e datës 12.11.2021.


Kolegji për shqyrtimin dhe vendosjen e ankesave, pas shqyrtimit të shkresave të lëndës konstaton se Këshilli i Pavarur Mbikëqyrës për Shërbimin Civil të Kosovës, nuk është kompetent për të vendosur për ankesën e parashtruar nga

**sepse:**

Kolegji për shqyrtimin dhe vendosjen e ankesave, bazuar në dispozitat e paragrafit 4 të nenit 2 të Ligjit Nr. 06/L-114 për Zyrtarët Publikë, zyrtarët publikë të punësuar në administratën shtetërore apo në administratën e shërbimeve publike, pjesë e një komune të cilët ofrojnë shërbime publike të drejtpërdrejta për qytetarët në fushën e arsimit, shëndetësisë, kulturës... kanë statusin e nëpunësit të shërbimit publik, ku përcaktohet se: *“Nëpunësi i Shërbimit Publik - është personeli i nivelit të lartë drejtues, drejtues, profesional dhe i shërbimeve të brendshme në administratën e shërbimeve publike, pjesë e administratës shtetërore apo në administratën e shërbimeve publike, pjesë e një komune të cilët ofrojnë shërbime publike të drejtpërdrejta për qytetarët në fushën e arsimit, shëndetësisë, kulturës, artit si dhe shërbime tjera të ngjashme publike”*, në këtë rast çdo i punësuar në institucionet e fushës së arsimit pa marr parasysh pozitën janë të kategorizuar si nëpunës të shërbimit publik.

Ndërlidhur me këtë pjesa V e Ligjit Nr. 06/L-114 për Zyrtarët Publikë, ka trajtuar në mënyrë të detajuar marrëdhënien e punës së nëpunësve të shërbimit publik, ku neni 67 paragrafi 6 i këtij ligji, ka bërë kategorizimin e nëpunësve të shërbimit publik si: *“Nëpunësit e shërbimit kategorizohen në personelin drejtues, në personelin profesional dhe në personelin e brendshëm të shërbimeve të përbashkëta”*, kështu që meqë pozita e ankuesit është pozitë e nëpunësit të shërbimit publik, Kolegji për shqyrtimin dhe vendosjen e ankesave, konstaton se e drejta e ankimit për nëpunësit e shërbimit publik është rregulluar me dispozitat e nenit 24 paragrafit 4 të Ligjit Nr. 06/L-114 për Zyrtarët Publikë, i cili përcakton se: *“Nëpunësi i Shërbimit Publik dhe nëpunësi administrativ dhe mbështetës kanë të drejtë të ankohen sipas këtij ligji te punëdhënësi dhe më pas mund të fillojë kontest administrativ në gjykatën kompetente”* dhe neni 74 paragrafi 1 të këtij ligji, i cili përcakton: *“Zyrtari i shërbimit publik mund të ankohet te punëdhënësi kur pretendon se i janë shkelur të drejtat në marrëdhënien e punës”*, ndërsa nëse pala është e pakënaqur me vendimin e organit të punësimit mund të iniciojë kontest pune në gjykatën kompetente siç parashihet me nenin 74 paragrafin 5 të Ligjit Nr. 06/L-114 për Zyrtarët Publikë.

Andaj, duke ju referuar dispozitave të nenit 6 paragrafit 1 nën paragrafit 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, Këshilli i Pavarur Mbikëqyrës për Shërbimin Civil i Kosovës, nuk është kompetent për vendosur për ankesën e parashtruar nga ankuesi, sepse Këshilli shqyrton dhe merr vendime për ankesat e nëpunësve civil dhe kandidatëve për praninë në shërbimin civil.



Duke marr parasysh të gjitha shkresat e lëndës dhe provat e bashkëngjitura në lëndë, Kolegji për shqyrtimin e ankesave, bazuar në nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij Vendimi.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë/ Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
**Lënda me numër A.nr. 934/2021**

**Avdy BEKTESHI**

*Bekteshi*  
**Procesmbajtës**



**Eshref SHABANI**

**Kryetar i Kolegjit**

**Vendimi i dërgohet:**

- Përfaqsesit të autorizuar të ankuesit Avokate
- Kryetarit të Komunës së Gjilanit;
- Udhëheqësit të Burimeve Njerëzore në Komunën e Gjilanit dhe;
- Arkivit të KPMSHCK-së;

